

ZAPISNIK

sa 3.sjednice Vijeća roditelja JU Osme osnovne škole "Amer Čenanović", održane 23.02.2017. u prostorijama Škole sa početkom u 18:00 sati.

Sjednici je prisustvovalo 15 članova Vijeća roditelja. Sjednici su prisustvovali pedagog Škole Džana Jašarević, direktor Škole Vahid Čustović, dva člana Školskog odbora iz reda roditelja Edina Ičindić i Emela Mehmedspahić, te pet članova Vijeća učenika: Destanović Jasmina, Halać Lejla, Bajraktarević Nerma, Gadžo Madžida, Salman Hena i koordinatori Odjeljenjske zajednice. Sjednicom predsjedava predsjednik Vijeća roditelja, gospodin Mustafa Vlahovljak, a zapisnik vodi Zerina Šendro.

Sjednici prisustvuje dovoljan broj članova Vijeća roditelja za punovažno odlučivanje, a predložen je i jednoglasno usvojen sljedeći:

DNEVNI RED

1. Usvajanje zapisnika sa prethodne sjednice Vijeća roditelja
2. Analiza uspjeha učenika u učenju i vladanju na kraju prvog polugodišta školske 2016/2017.godine
3. Usvajanje Izvještaja radnih grupa
4. Iznošenje prijedloga o saradnji sa koordinatorima Odjeljenjske zajednice
5. Prijem i obraćanje članovima Vijeća učenika
6. Tekuća pitanja

Na početku se predsjednik Vijeća roditelja gospodin Mustafa Vlahovljak obratio prisutnima, izrazio zadovoljstvo za odziv u velikom broju, istakao značaj ove sjednice i njenog proširenog saziva.

AD-1

Na zapisnik sa prethodne sjednice nije bilo prigovora, te je isti jednoglasno usvojen.

Prisutnima se obratio direktor Škole gospodin Vahid Čustović. Obavijestio je da je u toku rekonstrukcija poda sportske sale, te da je u toku opremanje kabineta sa pet novih računala i pet novih projektora. U kabinetu informatike je u toku nabavka računara i stolica, kao i da se planira dodatna nabavka stolica potrebnih za učionice. Također, obavijestio da je u drugom polugodištu uveden Elektronski dnevnik, te preporučio roditeljima da se skrene pažnja djeci na primjerenu upotrebu mobilnih telefona, posebice neovlaštenog slikanja i snimanja osoba i događaja.

AD - 2

Pedagog Škole gospođa Džana Jašarević podnijela je Izvještaj o uspjehu učenika na kraju prvog polugodišta u šk. 2016/2017.god. Upisano je 496 učenika u 21 odjeljenje. Pedagogica je obavijestila da su nastavnici zadovoljni uspjehom učenika kao i saradnjom sa roditeljima. Prosjek trećih i četvrtih razreda je bio 4,6. Rečeno je da se broj vrlo dobrih i odličnih učenika smanjio u odnosu na prethodnu školsku godinu, te da je smanjen i broj izostanaka, posebno neopravdanih. Najveći broj učenika sa nedovoljnim uspjehom je bio u osmim razredima. Vladanje učenika je bilo: primjerno 98,6%, a sedam učenika je dobilo disciplinsku mjeru. Pojačano je dežurstvo nastavnika.

AD-3

Izvještaj radne grupe za sigurnost podnio je gospodin Asaf Teftedarija. Istakao je problematiku neadekvatnog držanja pasa u krugu BIHAMK-ovog placa, te da je upućen dopis komesaru policije KS na koji se čeka odgovor.

Izvještaj radne grupe za koordinaciju podnio je gospodin Sami Babaić. Osvrnuo se na realizovano predavanje za roditelje u mjesecu decembru, te obavijestio o planiranju narednog predavanja za mjesec mart.

Prisutnima se obratio i predsjednik Vijeća roditelja, te ukratko obavijestio o proteklom aktivnostima i saradnji Vijeća sa drugim stranama zainteresovanih za odgoj i obrazovanje: prisustvovanje javnim tribinama vezanim za učešće roditelja u obrazovanju; održavanju redovnih sastanaka Koordinacije osnovnih i srednjih ilidžanskih škola na kojima obnaša funkciju predsjedavajućeg. U Izvještaju je spomenut i sastanak Koordinacije Vijeća roditelja ilidžanskih škola i direktora, na kojem su se ostvarili konkretni dogovori, kao i realizacije aktivnosti, poput početka priprema Male sportske lige Ilidža.

Predsjednik Vijeća roditelja spomenuo je sastanak sa ministrom obrazovanja gospodinom Elvirom Kazazovićem i članovima Vijeća koordinacija svih općina koji je održan u prostorijama Doma mladih 10.2.2017.godine, a na kojem su razmatrana pitanja udžbeničke politike, pretilosti učenika, uvođenje ormarića i brendiranje škola. Na tom sastanku su doneseni zaključci i stupilo se u realizaciju kroz novoformirane radne grupe.

AD- 4

Predsjednik Vijeća roditelja se zahvalio roditeljima odabranih za učestvovanje u pomoći radu odjeljenjske zajednice, obavijestio da Vijeće roditelja stoji na raspolaganju za pomoć u izvođenju istog u vidu prijedloga, pronalaženju adekvatnih načina obraćanja učenicima i odabiru pogodnog materijala.

Roditelj iz Koordinacije odjeljenske zajednice Nermina Delic pohvalila je rad Vijeća roditelja i uz čestitke predsjedniku na ovakvoj organizaciji iskazala zadovoljstvo za bilo kakvu saradnju i doprinos poboljšanju obrazovanja za našu djecu.

ZAKLJUČAK:

Da se razmjene kontakti članova Vijeća roditelja i roditelja za Odjeljenjsku zajednicu, da se oformi grupa za saradnju i pomoć u radu spomenutih roditelja i da se otpočne sa prikupljanjem printanog i videomaterijala koji može koristiti u izvođenju istog.

AD - 4

Predsjednik Vijeća roditelja ukazao je čast predstavnicima Vijeća učenika i naglasio da su oni kao učenici jedini razlog što se roditelji zajedno sa uposlenicima Škole okupljaju kroz sastanke i sjednice, te čine sve da djeci u školi bude kvalitetnije i ugodnije tokom nastave. Prisutnim se obratila potpredsjednica Vijeća učenika, Jasmina Destanovic.

Članovi Vijeća roditelja su ovom prigodom pripremili pismene zaključke koje upućuju učenicima. Istakli su da ove zaključke učenici prihvate kao roditeljske savjete, a zaključke je pročitao Sami Babaić. Direktor Škole je predložio da ovaj dopis u vidu zaključaka bude objavljen i na sajtu Škole.

ZAKLJUČAK:

Pismeni zaključci će biti proslijeđeni Vijeću učenika, a saradnja Vijeća roditelja i Vijeća učenika treba da bude bliska, kako bi učenici osjetili da i u školi imaju podršku roditelja.

AD - 5

Na interesovanje jednog od roditelja upućeno je pitanje direktoru Škole, da li je veliki broj učenika u odjeljenjima prvih razreda. Direktor je odgovorio da broj učenika u ta dva odjeljenja odgovara normativima pedagoškog standarda i da kao takav može zakonski da opstane, a da kvalitet nastave ne izostane. Također, direktor je obavijestio da su radovi u sportskoj sali u završnici sa odstupanjem termina zbog proteklih ekstremno hladnih dana. Na prijedlog predsjednika da se nakon završetka radova u sportskoj sali dodijeli termin za sportske aktivnosti roditelja. Ovaj prijedlog Vijeće roditelja je jednoglasno usvojilo, a direktor Škole odobrio, što je ujedno i bio zaključak. Također, jednoglasno je usvojen prijedlog predsjednika Vijeća roditelja da se osmisli proljetna aktivnost roditelja u uljepšavanju školskog dvorišta ukrasnim sadnicama.

Sjednica je završena u 20:00 sati.

Zapisničar

Zerina Sendro

Predsjednik Vijeća roditelja

Mustafa Vlahovljak